

- 1' Wer öfflich schlecht syn meynung an
- 2' Vnd spannt syn garn für yederman
- 3' Vor dem man sich lycht hütten kan



Von offlichem anschlag

- 1 Eyn narr ist wer will fahen sparen
- 2 Vnd für jr ougen spreit das garn
- 3 Gar lycht eyn vogel flyegen kan
- 4 Das garn / das er sicht vor jm stan

3 flyegen *GW5046 GW5047* | flyehen *GW5041*

5 Wer nüt dann trowen dūt all tag
 6 Do sorg man nit / das er vast schlag
 7 Wer all syn rāt schlecht öfflich an
 8 Vor dem hūt sich wol yederman /
 9 Hett nit entfrembt sich Nycanor
 10 Vnd anders gstellt / dann er dett vor
 11 Judas hett nit gmerckt syn gemūt
 12 Vnd sich so bald vor jm gehūt /
 13 Das dunckt mich syn eyn wyser herr
 14 Der syn sach weiß / sunst nyemans mer /
 15 Vor vß do jm syn heyl lyt an
 16 Es will yetz rātschen yederman
 17 Vnd triben sollche kouffmanschatz
 18 Die vornen leck / vnd hynden kratz
 19 Jch halt nit für eyn wysen man
 20 Wer nit syn anschlag bergen kan
 21 Dann narren rott / vnd bñler werck /
 22 Eyn statt gebuwen vff eym bergk
 23 Vnd strow das jn den schñhen lyt
 24 Die vier verbergen sich keyn zyt
 25 Eyn armer bhalt wol *heymlicheyt*
 26 Eyns richen sach / würt wyt gespreit
 27 Vnd würt durch vntruw hußgesynd
 28 Geöffnet vnd vßbrocht geschwind /
 29 Eyn yedes ding kumbt lychtlich vß
 30 Durch die / by eym syndt jn dem huß
 31 Zñ schaden ist *keyn* böser vindt
 32 Dann die stāts by eym wonent syndt
 33 Vor den man sich nitt hñtten dūt
 34 Bringen doch vil / vmb lib vnd gūt

g^{2r}

g ij

25 heymlicheyt] heimlichkeit GW5046 31 keyn] eyn GW5041 GW5046 GW5047